

12

本
外
細
目
卷
一
下

4173-2

歷代諸家本草

引據古今醫家書目

引據古今經史百家書目

採集諸家本草藥品總數

神農本經名例

陶氏別錄合藥分劑法則

採藥六氣歲物

七方

十劑

氣味陰陽

五味宜忌

標本陰陽

升降浮沉

四時用藥例

五運六淫用藥式

五臟六腑用藥氣味補瀉

五臟五味補瀉

臟腑虛實標本用藥式

引經報使

本草綱目卷一

本草綱目卷一

本草綱目卷一

本草綱目卷一

本草綱目卷一

本草綱目卷一

本草綱目卷一

本草綱目卷一

斬陽李時珍東壁父編輯

序例上

歷代諸家本草

神農本草經

掌禹錫曰舊說本草經三卷神農所作而不經見漢書藝文志亦無錄焉

漢平帝紀云元始五年舉天下通知方術本草者

所在輶傳造詣京師樓護傳稱護少誦醫經本草

方術數十萬言本草之名蓋見于此唐李世勣等

以梁七錄載神農本草三卷推以為始又疑所載

郡縣有後漢地名似張機華佗輩所為皆不然也

淮南子云神農嘗百草滋味一日而七十毒由是

醫方興焉蓋上世未著文字無學相傳謂之本草

而漢以來名醫益衆張華輩始因古學所以新說

通為編述本草繇是見于經錄（唐宗真曰）漢書雖
 言本草不能斷自何代而作（淮南子）雖言神農嘗
 百草以和藥亦無本草之名（惟帝王世紀云黃帝
 使岐伯嘗味草木定本草經造醫方以療衆疾乃
 知本草之名自黃帝始（蓋上古聖賢具生知之智
 故能辨天下品物性味合世人疾病所宜（後世賢
 智之士從而和之又增其品焉（韓保昇曰藥有五
 石草木蟲獸而云本草者為諸藥中草類最多也

名醫別錄 李時珍曰神農本草藥分三品計三百
 六十五種以應周天之數（梁陶弘景復
 增漢魏以下名醫所用藥三百六十五種謂之名
 醫別錄凡七卷首敘藥性之源論病名之診次分
 玉石一品草一品木一品菓菜一品米食一品有
 名未用三品以朱書神農墨書別錄進上梁武帝
 弘景字通明宋末為諸王侍讀歸隱句曲山號華
 陽隱居武帝每咨訪之年八十五卒謚貞白先生
 其書頗有裨補亦多謬誤（弘景自序曰）隱居先生

鬼神之情造耕種以省殺生之弊宜藥療疾以拯
天傷之命此三道者歷衆聖而滋彰文王孔子象
象繇辭幽贊人天后稷伊尹播厥百穀惠被羣生
岐黃彭扁振揚輔導恩流含氣歲踰三千民到十
今賴之但軒轅已前文字未傳藥性所至當以識
識相因不爾何繇得聞至于桐需乃著在編簡此
書應與素問同類但後人多更修飭之爾秦皇所
焚醫方卜術不預故猶得全錄而遭漢獻遷徙晉
懷奔竄文籍焚燬十不遺一今之所存有此三卷
其所出郡縣乃後漢時制疑仲景元化等所記又
有桐君采藥錄說其花葉形色藥對四卷論其佐
使相須魏晉以來吳普李當之等更復損益或五
百九十五或四百四十一或三百一十九或三品
混糅冷熱舛錯草石不分蟲獸無辨且所主治互
有得失醫家不能備見則智識有淺深今輒苞綜
諸經研括煩省以神農本草經三品合三百六十五

爲王又進名醫別品亦三百六十五合七百三十
種精粗皆取無復遺落分別科條區畛物類兼注
諸時用土地所出及仙經道術所須并此序合
爲七卷雖未足追踵前良蓋亦一家撰製吾去世
之後可貽
諸知音爾

桐君采藥錄

時珍曰桐君黃帝時臣也書凡二卷
紀其花葉形色今已不傳後人又有

四時采藥太常

采藥時月等書

雷公藥對

禹錫曰北齊徐之才撰以采藥名品君
臣性毒相反及所至疾病分類記之凡

二卷時珍曰陶氏前已有此書吳氏本草所引雷

公是也蓋黃帝時雷公所著之才增飾之爾之才

丹陽人博識善醫歷事北齊諸帝得寵仕終尚書

左僕射年八十卒贈司徒封西陽郡王謚文明北

氏陶氏本草

中頗有發明

吳氏本草

保昇曰魏吳普廣陵人華陀弟子凡一卷時珍曰其書分記神農黃帝岐伯桐

君雷公扁鵲華佗李氏所

說性味甚詳今亦失傳

雷公炮炙論

時珍曰劉宋時雷斅所著非黃帝時雷公也自稱內究守國安正公或是

官名也胡洽居士重加定述藥凡三百種為上中

下三卷其性味炮炙煑修事之法多古奧文亦

古實別是一家多本于乾寧晏先生其首序論述

物理亦甚幽玄錄載于後乾寧先生名晏封著制

伏草石論六卷

蓋丹石家書也

唐本草

時珍曰唐高宗命司空英國公李勣等修陶隱居所註神農本草經增為七卷世謂

之英公唐本草頗有增益顯慶中右監門長史蘇
恭重加訂註表請修定帝復命太尉趙國公長孫
無忌等二十二人與恭詳定增藥一百一十四種
分爲玉石草木人獸禽蟲魚果米穀菜有名未用
十一部凡二十卷目錄一卷別爲藥圖二十五卷
圖經七卷共五十三卷世謂之唐新本草蘇恭所
釋雖明亦多駁誤禮部郎中孔志約序曰天地之
大德日生運陰陽以播物含靈之所保曰命資亨
育以盡年蟄穴棲巢感物之情蓋寡範企揉木逐
欲之道方滋而五味或爽時昧甘辛之節六氣斯
沴易愆寒燠之宜中外交侵形神分戰飲食同釁
成腸胃之膏風濕候隙構手足之災機纏膚膜莫
之救止漸困膏肓期於夭折暨矣輒紀物識藥石
之功雲端名官窮診候之術草木咸得其性鬼神
無所遁情剗麋剗犀驅洩邪惡飛丹煉石引納清
和大庇蒼生普濟黔首功侔造化恩邁裁成日用
不知于今是賴岐和彭緩騰絕軌於前李華張吳

編殘蠹與桐雷梁記頗或踳駁與言撰緝勒成一
家亦以明琢經方潤色醫業然而時鍾鼎時聞見
闕於殊方事非僉議詮釋拘於國學至如重建平
之防已棄槐里之半夏秋採榆仁冬收雲實謬梁
米之黃白混荆子之牡芟異縈縷於雞腸合山跋
於鳶尾防葵狼毒安日同根鈎吻黃精引爲連類
鉛錫莫辨橙柚不分凡此比列蓋亦多矣自時厥
後以迄于今雖方技分鑣名裔繼軌更相祖述罕
能釐正乃復採杜衡于及巴朮忍冬于絡石捨陟
釐而取蒹藤退飛廉而用馬薊承疑行妄曾无有
覺疾察多殆良深慨嘆旣而朝議郎行右監門府
長史騎都尉臣蘇恭據陶氏之乖違辨俗用之此
素遂表請修定深副聖懷乃詔太尉揚州都督監
修國史上柱國趙國公臣無忌大中大夫行尚藥
奉御臣許孝崇等二十二人與蘇恭詳稷竊以動
植形生因方外性春秋節變盛氣殊功離其本上

則質同而効異乖于采擷乃物是而時非名實既
爽寒溫多謬用之尤庶其敗已甚施之君父逆莫
大焉於是上稟神規下詢衆議普頒天下營求藥
物羽毛鱗介无遠不臻根莖花實有名咸萃遂乃
詳探秘要博綜方術本經雖缺有驗必書別錄雖
存无稽必正考其同異擇其去取鉛翰昭章定群
言之得失丹青緝燠備庶物之形容撰本草并圖
經目錄等凡成五十四卷庶以網羅今古開滌耳
目盡醫方之妙極拯生靈之性命
傳萬祀而无昧懸百工而不朽

藥總訣

禹錫曰藥性論凡二卷論藥品五味
寒熱之性至療疾病及采蓄時月之法一

本題曰藥象曰

訣不善誤人名

藥性本草

禹錫曰藥性論凡四卷不著誤人名氏
分藥品之性味君臣佐使主病之効一

本云陶隱居撰然其藥性之功有與本草相戾者

朝散大夫其書論主治亦詳又著脉經明堂人形圖各一卷詳見唐史

千金食治

時珍曰唐孫思邈誤千金備急方三十卷采摭素問扁鵲華佗徐之才等所論

補養諸說及本草關於食治者分米穀果菜鳥獸

虫魚為食治附之亦頗明悉思邈隱于太白山隋

唐徵拜皆不就年百餘歲卒所著有千金翼方枕

中素書攝生真錄福祿論三教論老子莊子注

食療本草

禹錫曰唐同州刺史孟詵撰張鼎又補其不足者八十九種并舊為二百二十

七條凡三卷時珍曰詵梁人也武后時舉進士累

遷鳳閣舍人出為台州司馬轉同州刺史睿宗召

用固辭卒年九十因周禮食醫之義著此書多有

繪益又誤必效方十卷補養方三卷唐史有傳

本草拾遺

禹錫曰唐開元中三原縣尉陳藏器撰以神農本草經雖有陶蘇補集之說然遺

本草拾遺 卷一 二

沉尚多故別為序例一卷拾遺六卷解發三卷
曰本草拾遺時珍曰藏器四明人其所著連博極
群書精覈物類訂緝謬誤搜羅幽隱自本草以來
一人而已膚譎之士不察其該詳惟誦其僻惟來
人亦多翻削豈知天地品物無窮古今隱顯亦異
用舍有時名稱或變豈可以一隅之見而遽議多
聞哉如辟虺雷海馬胡豆之類皆隱于昔而用于
今仰天皮燈花敗扇之類皆萬家所用者若非此
書收載何從稽攷此本草
之書所以不厭詳悉也

海藥本草

禹錫曰南海藥譜二卷不著撰人名氏
雜說南方藥物所產郡縣及療疾之功

頗無倫次時珍曰此即海藥本草也凡六卷唐人
李珣所撰珣蓋肅代時人收采海藥亦頗詳明
又鄭虔有胡本草七卷
皆胡中藥物今不傳

四聲本草

禹錫曰唐蕭陵處士蕭炳撰取本草藥

卷進士 收序之

刪繁本草

禹錫曰唐潤州醫博士兼節度隨軍楊損之誤刪去本草不急及有名未用之

類為五卷開元以後人也無所發明

本草音義

時珍曰凡二卷唐李含光撰又甄立言殷子嚴皆有音義

本草性事類

禹錫曰京兆醫工杜善方誤不詳何代人凡一卷以本草藥名隨類解釋

附以諸藥制使畏惡相反相宜解毒者

食性本草

禹錫曰南唐陪戎副尉劍州醫學助教陳士良誤取神農陶隱居蘇恭孟詵陳

藏器諸家藥關於飲食者類之者以食醫諸方及五時調養臟腑之法時珍曰書凡十卷總集舊說

無甚新義古有淮南王食經一百二十卷崔浩食經九卷三喧食經十卷膳鑑養療二十卷管殿食

本草綱目

卷

七

醫心鑑三卷婁居中食治通說一卷陳直奉親
養老書二卷並有食治諸方皆祖食醫之意也

蜀本草

時珍曰蜀王孟昶命翰林學士韓保昇等
與諸醫士取唐本草參校增補註釋別為

圖經凡二十卷昶自為序世謂之蜀本草
其圖說藥物形狀頗詳于陶蘇也

開寶本草

時珍曰宋太祖開寶六年命尚藥奉御
劉翰道士馬志等九人取唐蜀本草詳

校仍取陳藏器拾遺諸書相參列正別名增藥一

百三十三種馬志為之註解翰林學士盧多遜等

刊正七年復詔志等重定學士李昉等看詳凡神

農者白字名醫所傳者墨字別之并目錄共二十

一卷序曰三墳之書神農預其一百藥既辨本草

存其錄舊經三卷世所流傳名醫別錄互為編纂

至梁正白先生陶弘景乃以別錄參其本經宋聖

雜書時謂明白而又攷彼功用為之註釋列為七

卷南國行焉逮乎有唐別加參校增藥餘八首

附舊註新註其文互缺非聖王撫大國之通承也
疆之休其何以改而正之哉乃命盡攷傳誤刊爲
定本類例非允從而革焉至于筆頭灰鬼毫也南
在草部今移附兔頭骨之下半天河地漿皆水也
亦在草部今移附玉石類之間攷鼓皮移附于獸
皮胡桐淚改從于木類紫鑛亦水也自玉石品而
取焉伏翼實禽也山蟲魚部而移焉橘柚附于果
實食鹽附于光鹽生薑薑薑同歸一說主于雞腸
繁縷陸英蒴藿以類相俾從而附之仍采陳藏器
拾遺李含光音義或討源乎別本或傳効于醫家
叅而較之辨其臧否至于突厥白舊說灰類也今
是木根天麻根解以赤箭今又全異去非取是特
立新條自餘刑正不可悉數下采衆議定爲印板
乃以白字爲神農所說墨字爲名醫所傳唐附今
附各加顯註詳其解釋審其形性證謬誤而辨之
者署爲今註攷文記而述之者又爲今按義旣刊
定理亦詳明又以新舊藥合丸日八十三種并日

錄二十一卷廣頌

天下傳而行焉

嘉祐補註本草

時珍曰宋仁宗嘉祐二年詔光祿卿直秘閣掌禹錫尚書祠部郎中

秘閣校理林億等同諸醫官重修本草新補八十

二種新定一十七種通計一千八十二條謂之嘉

祐補註本草其二十卷其書雖有校修無大發明

其序畧云神農本草經三卷藥止三百六十五種

至陶隱居又進名醫別錄亦三百六十五種因而

註釋分為七卷唐蘇恭等又增一百一十四種廣

為二十卷謂之唐本草國朝開寶中兩詔醫工劉

翰道士馬志等修增一百三十三種為開寶本草

偽蜀孟昶亦常命其學士韓保昇等稍有增廣謂

之蜀本草嘉祐二年八月詔臣禹錫臣億等再加

校正臣等被命遂更研覈竊謂前世醫工原診用

藥隨効輒記遂至增多槩見諸書沿博難究雖屢

加刪定而去取非或本經已載而所述粗畧或

所不取自餘經史百家雖非方創之急其間或有
參說藥驗較然可據者亦兼收載務從該洽以副
詔意凡各本草者非一家今以開寶重定本爲正
其分布卷類經註雜糅間以朱墨並從舊例不復
釐改凡補註並據諸書所說其意義與舊文相參
者則從刪削以避重複其舊已著見而意有未完
後書復言亦具有之欲詳而易曉仍每條並以朱
書其端云臣等謹按某書云某事其別立條者則
繫于其末云見某書凡所引書唐蜀二本本草爲先
他書則以所著先後爲次第凡書舊名本草者今
所引用但著其所作人名曰某惟唐蜀本則曰唐
本云蜀本云凡字朱墨之別所謂神農本草經者以
朱字名醫因神農舊條而有增補者以墨字間于
朱字餘所增者皆別立條並以墨字凡陶隱居所
進者謂之名醫別錄並以其註附於末凡顯慶所
增者亦註其本曰唐本先附凡開寶所增者亦註

其未目今附凡今所增補舊經未有子逐條後開
列云新補凡藥舊分上中下三品今之新補雜于
詳辨但以類附見如綠礬次于礬石山薑花次于
豆蔻扶移次于水楊之類是也凡藥有功用本經
未見而舊註已曾引註今之所增但涉相類更不
立條並附本註之末曰續註如麝衣附于垣衣燕
覆附于通草馬藻附于海藻之類是也凡舊註出
于陶氏者曰陶隱居云出于顯慶者曰唐本註出
于開寶者曰今註其開寶攷據傳記者別曰今按
今詳又按皆以朱字別書于其端凡藥名本經已
見而功用未備今有所益者亦附于本註之末凡
藥有今世已嘗用而諸書未見無所辨證者如胡
蘆巴海帶之類則請從太醫衆論參議別立爲條
日新定舊藥九百八十三種新補八十二種附于
註者不預焉新定一十七種總新舊一千八百
條皆隨類附著之英公陶氏開寶三序皆有義例
所不可去仍

藥物用唐永徽故事專命太常博士蘇頌撰述成此書凡二十一卷攷證詳明頗有發揮但圖與說異兩不相應或有圖無說或有物失圖或說是圖非如江州拔莢乃仙遺糧滁州青本香乃堯鈴根俱混列圖棠棣子卽赤木瓜天花粉卽栝樓根乃重出條之類亦其小小疎漏耳頌字子容同安人舉進士哲宗朝位至丞相封愬國公

證類本草

時珍曰宋徽宗大觀二年蜀醫唐慎微

書復拾唐本草陳藏器本草孟詵食療本草舊本所遺者五百餘種附入各部并增五種仍采雷公炮炙及唐本食療陳藏器諸說收未盡者附于各條之後又采古今單方并經史百家之書有關藥物者亦附之共三十一卷名證類本草上之明廷改名大觀本作慎微貌寢廼而學該博使諸家本

本草及各藥單方垂之千古不致淪沒者皆其功也
政和中復命醫官曹孝忠校正刊行故又謂之政
和本

本草別說

時珍曰宋哲宗元祐中閩中醫士陳承
合本草及圖經二書為一冊綴數語謂

之別說高宗紹興末命醫官王繼先等
校正本草亦有所附皆淺俚無高論

日華諸家本草

禹錫曰國初開寶中明人誤不著
姓氏但云日華子大明序集諸家

本草近世所用藥各以寒溫性味華實
其言功用甚悉凡二十卷時珍曰按十家姓大姓
出東萊日華子蓋姓大名明
也或云其姓田未審然否

本草衍義

時珍曰宋政和中醫官通直郎寇宗奭
誤以補註及圖經二書參攷事實竅其

情理援引辨證發明良多東垣丹溪諸公亦尊信

潔古珍珠囊

時珍曰書凡一卷金易州明醫張素所著元素字潔古舉進士不第去

學醫深闢軒岐秘奧參悟天人幽微言古方新疾不相能自成家法辨藥性之氣味陰陽厚薄升降浮沉補瀉六氣十二經及隨證用藥之法立為主治秘訣心法要旨謂之珍珠囊大揚醫理靈素之下一人而已後人翻為韻語以便記誦謂之東垣珍珠囊謬矣惜乎止論百品未及編詩又著病機氣宜保命集四卷一名活法機要後人誤作河間劉元素所著偽誤序文詞調于卷首以附會之其他潔古諸書多是後人依托故駁雜不倫

用藥法象

時珍曰書凡一卷元真定明醫李杲所著杲字明之號東垣通春秋書易忠信

有守富而好施援例為濟源監稅官受業于潔古老人盡得其學益加闡發人稱神醫祖潔古珍珠

囊增以用藥凡例諸經嚮導綱要活法著為此書
謂世人惑于內傷外感混同施治乃辨其脉證元
氣陰火飲食勞倦有餘不足著辨惑論三卷脾胃
論三卷推明素問難經本草脉訣及雜病方論著
醫學發明九卷蘭室秘藏五卷辨衍經絡脉法分
此傷寒六經之則者此事難知二卷別有癰疽眼
目諸書及試効方者
其門人所集述者也

湯液本草

時珍曰書凡二卷元醫學教授古趙王
好古撰好古字進之號海藏東垣高弟

醫之儒者也取本草及張仲景成無已張潔古李
東垣之書間附已意集而為此別著湯液大法四
卷醫壘元戎十卷陰證畧例
痲論萃英錢氏補遺各一卷

日用本草

時珍曰書凡八卷元海寧醫士吳瑞取
本草之切于飲食者分為八門間增數

品而已瑞字瑞

劉純熊宗立傳滋輩皆有調括及藥性賦以授初學記誦

本草衍義補遺

時珍曰元末朱震亨所著震亨義烏人字彥修從許白雲講道世稱

丹溪先生嘗從羅太無學醫遂得劉張李三家之

旨而推廣之為醫家宗主此書蓋因寇氏衍義之

義而推衍之近二百種多所發明但蘭草之為蘭

花胡粉之為錫粉未免泥于舊說而以諸藥分配

五行失之牽強耳所著有格致餘論局方發

揮傷寒辨疑外科精要新論風木問答諸書

本草發揮

時珍曰書凡三卷洪武時丹溪弟子山陰徐彥純用誠所集取張潔古李東垣

王海藏朱丹溪成無已數家

之說合成一書爾別無增益

救荒本草

時珍曰洪武初周憲王因念旱澇民饑畧訪野老田夫得草木之根苗花實可

備荒者四百四十種圖其形狀著其出產苗葉花
子滋味食法凡四卷亦頗詳明可據近人翻刻削
其大半雖其見淺亦書之一厄也王號誠齋性質
聰敏集普濟方一百六十八卷袖珍方四卷詩文
樂府等書嘉靖中高郵王磐著野菜譜
一卷繪形綴語以告救荒畧而不詳

庚辛玉冊

時珍曰宣德中寧獻王取崔昉外丹本草土宿真君造化指南獨孤酒丹房鑑

源軒轅述寶藏論青霞子丹臺錄諸書所載金石
草木可備丹爐者以成此書分爲金石部靈苗部
靈植部羽毛部鱗甲部飲饌部器器通計二卷
凡五百四十一品所說出產形狀分別陰陽亦可
考據焉王號耀仙該通百家所著醫卜農圃琴棋
仙學詩家諸書凡數百卷造化指南三十三篇載
靈草五十三種云是土宿昆元真君所說抱朴子
注解蓋亦宋元時方士假托者爾古有太清草木
方太清服食經太清丹藥錄黃白秘法三

序例畧節爲八卷別無增益斤斤泥古者也
也綸字汝言號節齋舉進士仕至都御史

食物本草

時珍曰正德時九江知府江陵汪穎撰
東陽盧和字廉夫嘗取本草之繫于食

品者編次此書穎得其稿釐爲二卷
分爲木穀菜果禽獸魚味八類云

食鑑本草

時珍曰嘉靖時京口審原所編取
可食之物畧載數語無所發明

本草會編

時珍曰嘉靖中祁門醫士汪機所編機
字省之懲王氏本草集要不收草木形

狀乃削去本草上中下三品以類相從菜穀通爲

草部果品通爲木部并諸家序例共二十卷其書

撮約似乎簡便而混同反難檢閱冠之以薺識陋

可知掩去諸家更覺零碎臆渡疑似殊無實見僅

有數條自

得可取爾

本草蒙筌

時珍曰書凡十二卷邵門醫士陳嘉謨撰謨字廷采嘉靖末依王氏集要部次

集成辨品具氣味產采治療方法創成對語以便

記誦間附已意于後頗有發明便于初學名曰蒙

筌誠稱

其實

本草綱目

明楚府奉祠人敕封文林郎蓬溪知縣

方始于嘉靖壬子終于萬曆戊寅稿凡三易分爲

五十二卷列爲一十六部部各分類類凡六十標

名爲綱列事爲目增藥三百

七十四種方入于一百六十

本草綱目

本草綱目卷之五十一

本草綱目卷之五十二

本草綱目卷之五十三

時珍曰自陶弘景以下唐宋諸本草引用醫書
八十四家而唐慎微居多時珍今所引除舊本外

凡二百七

十六家

黃帝素問

上水註

唐玄宗開元廣濟方

天寶單方圖

唐德宗貞元廣利方

太倉公方

宋太宗太平聖惠方

扁鵲方

三卷

張仲景金匱玉函方

華佗方

十卷

張仲景傷寒論

成無已註

支大醫方

張文仲隨身備急方

本草綱目序列上

三

徐文伯方

初虞世古今錄驗方

秦承祖方

王燾外臺秘要方

華佗中藏經

姚和衆延齡至寶方

范汪東陽方

孫真人千金備急方

孫真人食忌

孫真人千金翼方

孫真人枕中記

席延賞方

孫真人千金髓方

葉天師枕中記

篋中秘寶方

許孝宗篋中方

柳州救三死方

李絳兵部手集方

御藥院方

崔行功纂要方

劉涓子鬼遺方

乘閒集効方

陳延之小品方

葛洪肘後百一方

服氣精義方

謝士泰刪繁方

胡洽居士百病方

孫兆口訣

梅師集驗方

崔元亮海上集驗方

深師脚氣論

即梅師

姚僧坦集驗方

孫氏集驗方

孟詵必効方

平堯卿傷寒類要

斗門方

韋宙獨行方

王珉傷寒身驗方

勝金方

文潞公藥準

周應簡要濟衆方

塞上方

王袞博濟方

沈存中靈苑方

救急方

張路大効方

崔知悌勞瘵方

近効方

康氏經念方

康氏經念後方

咎殷食醫心鏡

必用方

張傑子母秘錄

楊氏產乳集驗方

咎殷產寶

譚氏小兒方

小兒宮氣方

萬全方

太清草木方

李翱何首烏傳

普救方

神仙服食方

嵩陽子威靈仙傳

寒食散方

賈相公牛經

賈誠馬經

已上八十四家
係舊本所引

靈樞經

王冰玄密

張杲醫說

黃帝書

褚氏遺書

李濂醫史

秦越人難經

聖濟總錄

劉氏病機賦

皇甫謐甲乙經

宋徽宗聖濟經

劉克用藥性賦

王叔和脉經

張仲景金匱要略

彭祖服食經

巢元方病原論

神農食忌

神農服食經

李氏食經

王執中資生經

婁居中食治通說

飲膳正要

劉河間原病式

太清靈寶方

玄明粉方

劉河間宣明方

戴起宗脉訣刊誤

吳猛服椒訣

許洪本草指南

黃氏本草權度

陸氏證治本草

土宿真君造化指南

醫餘錄

月池人參傳

李言聞

胡演升鍊丹藥秘訣

名醫錄

月池艾葉傳

張子和儒門事親

張潔古醫學啓源

菖蒲傳

醫鑑龔信

活法機要

楊天惠附子傳

潔古家珍

李東垣醫學發明

東垣辨惑論

東垣脾胃論

東垣蘭室秘藏

東垣試効方

王海藏醫家大法

丹溪格致餘論

丹溪局方發揮

盧和丹溪纂要

丹溪醫案

楊珣丹溪心法

方廣丹溪心法附餘

丹溪活套

程充丹溪心法

滑伯仁櫻寧心要

惠民和劑局方

陳言三因方

孫真人千金月令方

嚴用和濟生方

王氏易簡方

王碩

楊子建萬全護命方

繼洪澹寮方

是齋指迷方

王既

楊士瀛仁齋直指方

余居士選奇方

黎居士易簡方

楊氏家藏方

楊傑

濟生拔萃方

杜思敬

胡溪衛生易簡方

朱端章衛生家寶方

許學士本事方

許叔微

雞峰備急方

張銳

孫用和傳家秘寶方

王隱君養生王論

真西山衛生譜

趙士衍九籥衛生方

王方慶嶺南方

嶺南衛生方

周憲王袖珍方

傅滋醫學集成

薩謙齋瑞竹堂經驗方

王履源洞集

葉氏醫學統旨

萬表積善堂經驗方

戴原禮證治要訣

醫學綱目

孫氏仁存堂經驗方

戴原禮金匱鉤玄

醫學指南

楊氏願真堂經驗方

劉純玉機微義

醫學切問

陸氏積德堂經驗方

劉純醫經小學

王璽醫林集要

德生堂經驗方

臞仙乾坤秘竈

饒氏醫林正宗

法生堂經驗方

臞仙乾坤生意

周良采醫方選要

劉松石保壽堂經驗方

窺玄子法天生意

楊拱醫方摘要

陳日華經驗方

梁氏總要

醫方大成

王仲勉經驗方

吳球活人心統

方賢奇効良方

劉長春經驗方

吳球諸證辨疑

趙氏儒醫集要

孫天仁集効方

戴古渝經驗方

瀕湖醫案

試効錄驗方

龔氏經驗方

灑湖集簡方

經驗濟世方

藺氏經驗方

楊起簡便方

孫一松試効方

阮氏經驗方

坦仙皆効方

董炳集驗方

趙氏經驗方

危氏得効方

危亦林

朱端章集驗方

楊氏經驗方

居家必用方

經驗良方

唐瑤經驗方

鄧筆峯衛生雜興

救急易方

張氏經驗方

王英杏林摘要

急救良方

龔氏經驗方

白飛震韓氏醫通

白飛霞方外奇方

徐氏家傳方

張三丰仙傳方

溫隱居海上方

丘瓊山群書日抄

海上名方

包會應驗方

何子元群書續抄

十便良方

孟氏說說方

張氏瀟江切要

李樓怪證奇方

生生編

邵真人青囊雜纂

夏子益奇疾方

摘玄方

趙宜真濟急仙方

纂要奇方

端効方

王永輔惠濟方

奚囊備急方

史堪指南方

王璆百一選方

臞仙壽域神方

陳直奉親養老書

世醫通變要法

吳旻扶壽精方

李廷飛三元延壽書

何大英發明證治

王氏醫方捷徑

保慶集

保生餘錄

神醫普救方

楊炎南行方

彭用光體仁彙編

傳信適用方

濟生秘覽

王氏手集

蕭靜觀方

錦囊秘覽

唐仲舉方

楊堯輔方

金匱名方

嚴月軒方

鄭師甫方

芝隱方

通妙真入方

三十六黃方

葛可久十藥神書

蘇適玄感傳尸論

上清紫庭追勞方

朱肱南陽活人書

韓祇和傷寒書

龐安時傷寒總病論

吳綬傷寒蘊要

趙嗣真傷寒論

成無已傷寒明理論

劉河間傷寒直格

陶華傷寒六書

李知先活人書括

陳自明婦人良方

郭稽中婦人方

熊氏婦人良方補遺

胡氏濟陰方

婦人明理論

婦人千金家藏方

便產須知

三難寶鑑

陳文中小兒方

曾世榮活幼心書

徐用宣袖珍小兒方

張煥小兒方

寇衡全幼心鑑

演山活幼口議

阮氏小兒方

魯伯嗣嬰童百問

活幼全書

鄭氏小兒方

湯衡嬰孩寶鑑

衛生總微論

即保幼
大全

鮑氏小兒方

湯衡嬰孩妙訣

姚和衆童子秘訣

全嬰方

王日新小兒方

小兒宮氣集

魏直博愛心鑑

高武痘疹管見

又名正宗

李言聞痘疹證治

痘疹要訣

李實痘疹淵源

聞人規痘疹

入十一論

張清川痘疹便覽

陳自明外科精要

薛已外科心法

外科通玄論

齊德之外科精義

薛已外科發揮

薛已外科經驗方

楊清叟外科秘傳

倪惟德原機啓微集

明目經驗方

宣明眼科

眼科針鉤方

咽喉口齒方

已上二百七十六家時珍所引者

引據古今經史百家書目

〔時珍曰〕自陶弘景唐宋已下所引用者凡一百五十一家時珍所引用者除舊本外凡四百四十家

易經注疏

王弼

詩經注疏

孔穎達
毛萇

爾雅注疏

李巡
邢昺
郭璞

尚書注疏

孔安國

春秋左傳注疏

杜預

孔子家語

禮記注疏

鄭玄

周禮注疏

張湛注列子

郭象注莊子

楊倞注荀子

淮南子鴻烈解

呂氏春秋

葛洪抱朴子

戰國策

司馬遷史記

班固漢書

范曄後漢書

陳壽三國志

王隱晉書

沈約宋書

蕭顯明梁史

穆天子傳

秦穆公傳

蜀王本紀

魯定公傳

漢武故事

漢武內傳

壺居士傳

崔魏公傳

李寶臣傳

何君謨傳

李孝伯傳

李司封傳

柳宗元傳

梁四公子記

唐武后別傳

南岳魏夫人傳

三茅真君傳

葛洪神仙傳

于寶搜神記

紫靈元君傳

劉向列仙傳

徐鉉稽神錄

玄中記

洞微志

郭憲洞冥記

樂史廣異記

劉敬叔異苑

王子年拾遺記

太平廣記

吳均續齊諧記

段成式酉陽雜俎

異術

王建平典術

杜祐通典

張華博物志

東方朔神異經

郭璞注山海經

宗懔荆楚歲時記

顧微廣州記

嵩山記

萬震南州異物志

楊孚異物志

盛弘之荆州記

何晏九州記

華山記

徐表南州記

裴淵廣州記

南蠻記

房千里南方異物志

太原地志

劉恂嶺表錄

孟瑄嶺南異物志

永嘉記

朱應扶南記

張氏燕吳行紀

南城志

五溪記

王氏番禹記

白澤圖

軒轅述賓藏論

青霞子丹臺錄

斗門經

獨孤酒丹房鑑源

東華真人煮石法

房室圖

太青草木記

神山芝草經

靈芝瑞草經

狐剛子 粉圖

魏王花木志

夏禹神仙經

四時纂要

賈思勰音齊民要術

三洞要錄

義恭廣志

汜勝之種植書

八帝聖化經

崔豹古今注

丁謂天香傳

八帝玄變經

陸機詩義疏

陸羽茶經

神仙感應篇

李暉該聞錄

張鷟朝野僉載

神仙秘旨

楊億談苑

開元天寶遺事

修真秘

宣政錄

鄭氏明皇雜錄

潁陽子修真秘訣

五行書

孫光憲北夢瑣言

左慈秘訣

竇五行記

歐陽公歸田錄

陶隱居登真隱訣

遁甲書

沈括夢溪筆談

耳珠先生訣

韓終采藥詩

王充論衡

黃休復茆亭客話

金光明經

顏氏家訓

范子計然

宋齊丘化書

楚辭

李善注文選

張協賦

本事詩

江淹集

宋王微讚

庾肩吾集

陳子昂集

陸龜蒙詩

梁簡文帝勸醫文

已上一百五十一家舊本所引者

許慎說文解字

呂忱字林

周弼六書正譌

周弼說文字原

王安石字說

趙古則六書本義

顧野王玉篇

孫愐唐韻

魏子才六書精蘊

倉頡解詁

丁慶集韻

黃公武古今韻會

洪武正韻

陰氏韻府群玉

包氏續韻府群玉

急就章

張掛廣雅

孫炎爾雅

孔鮒小爾雅

曹憲博雅

羅願爾雅翼

楊雄方言

陸佃埤雅

埤雅廣義

劉熙釋名

司馬光名苑

陸機鳥獸草木蟲魚疏

師曠禽經

袁達禽蟲述

淮南八公相鶴經

黃省曾獸經

王元之蜂記

朱仲相貝經

龜經

張世南質龜論

鍾毓果然賦

馬經

傅肱蟹譜

李石續博物志

韓彥直橘譜

毛文錫茶譜

唐蒙博物志

蔡襄荔枝譜

蔡宗顏茶對

張華感應類從志

歐陽修牡丹譜

劉貢父芍藥譜

贊寧物類相感志

范成大梅譜

范成大菊譜

楊泉物理論

劉蒙泉菊譜

陳翥桐譜

沈立海棠譜

天玄王物簿

陳仁玉菌譜

王西樓野菜譜

穆修靖靈芝記

戴凱之竹譜

葉庭珪香譜

李德裕平泉草木記

僧贊寧竹譜

洪駒父香譜

周敘洛陽花木記

蘇易簡紙譜

蘇氏筆譜

洛陽名園記

蘇氏硯譜

蘇氏墨譜

張杲丹砂秘訣

杜季陽雲林石譜

九鼎神丹秘訣

張杲玉洞要訣

李德裕黃治論

昇玄子伏汞圖

桓譚鹽鐵論

大明一統志

韋述兩京記

寶貨辨疑

太平寰宇記

祝穆方輿要覽

稽含南方草木狀

逸周書

酈道元注水經

沈瑩臨海水土記

汲冢竹書

左氏國語

三輔黃圖

陳祈暢異物志

謝承續漢書

三輔故事

曹叔雅異物志

法盛晉中興書

張勃吳錄

薛氏荆揚異物志

後魏書

環氏吳紀

萬震涼州異物志

南齊書

東觀秘記

劉欣期交州記

唐會要

劉義慶世說

范成大桂海虞衡志

五代史

世本

東方朔林邑記

南唐書

類編

東方朔十洲記

宋史

逸史

任豫益州記

遼史

野史

宋祁劔南方物贊

元史

費信星槎勝覽

瓊海樓錄

靈韻出傳

大明會典

朱輔山溪蠻叢笑

袁滋雲南記

太平御覽

陳彭年江南別錄

永昌志

冊府元龜

江南異聞錄

蜀地志

集事淵海

李肇國史補

華陽國志

馬端臨文獻通攷

楚國先賢傳

茅山記

白孔六帖

葛洪西京雜記

太和山志

古今事類合璧

周密齊東野語

西京記

祝穆事文類聚

周密葵辛雜志

荆南記

歐陽詢藝文類聚

周密浩然齋日鈔

永州記

鄭樵通志

周密志雅堂雜鈔

南齋記

陶九成說郛

羅大經鶴林玉露

竺法真羅浮山流

虞世南北堂書鈔

賈似道悅生隨鈔

葉盛水東日記

南郡記

徐堅初學記

徐氏總龜對類

伏深齊地記

文苑英華

邵桂子甕天語

郡國志

錦繡萬花谷

毛直方詩學大成

鄴中記

洪邁夷堅志

蘇子仇池筆記

廉州記

淮南萬畢術

鮮于樞鈎玄

辛氏三秦記

高氏事物紀原

松窓雜記

金門記

伏候中華古今注

杜寶大業拾遺錄

周處風土記

應劭風俗通

蘇鶚杜陽編

嵩高記

班固白虎通

方勺泊宅編

襄沔記

服虔通俗文

方鎮編年錄

杜臺卿玉燭寶典

劉績霏雪錄

荀伯子臨川記

河圖玉版

葉夢得水雲錄

洪邁松漠紀聞

河圖括地象

孫柔之瑞應圖記

河圖紀聞

春秋題辭

許善心符瑞記

王安貧武陵記

春秋運斗樞

夏小正

趙蔡行營雜記

春秋元命包

崔寔四時月令

張匡業行程記

春秋考異郵

月令通纂

金初攷北征錄

禮斗威儀

王楨農書

張師正倦游錄

孝經援神契

王晏山居錄

段公路北戶錄

周易通卦驗

山居四要

胡嶠陷虛記

京房易占

居家必用

青易帝開可記

劉向共範五行傳

道甲開山圖

劉伯溫多能鄙事

述征記

南宮從岫樓神書

驪仙神隱書

任昉述異記

皇極經世書

務本新書

祖冲之述異記

性理大全

俞宗本種樹書

薛用弱集異記

五經大全

起居雜記

陳翽卓異記

通鑑綱目

洞天保生錄

神異記

程氏遺書

林洪山家清洪

李元獨異志

朱子大全

閨閣事宜異誌

錄異記

老子

陳元靚事林廣記

戴祚甄異傳

鵲冠子

事海文山

異聞記

管子

萬寶事山

祖台之志怪

墨子

彙纂新纂

晏子春秋

三洞珠囊

楊氏洛陽伽藍記

董子書

陶隱居雜錄

太上玄科

賈誼新書

西樵野記

太清外術

韓詩外傳

琅琊漫鈔

魯至剛俊靈機要

劉向說苑

姚福庚巴編

地鏡圖

杜恕篤論

王清明揮塵餘話

五雷經

盧謹祭法

景煥牧豎閑談

雷書

王叡炙轂子

陳霆兩山墨談

乾象占

葉世傑草木子

韋航細談

列星圖

梁元帝金樓子

孫升談圃

演禽書

蔡邕獨斷

龐元英談藪

章俊卿山堂考索

彭乘墨客揮犀

魏伯陽參同契

洪邁容齋隨筆

蔡條鐵圍山叢話

蕭了真金丹大成

百川學海

侯延賞選齋閑覽

許真君書

翰墨全書

遜齋閑覽

陶弘景真誥

文系

顧文薦負暄錄

朱真人靈驗篇

朱子離騷辨證

陸文量菽園雜記

太上玄變經

何孟春餘冬錄

王性之揮塵錄

李筌太白經注

黃震慈溪日鈔

趙與時賓退錄

八草靈變篇

類說

葉石林避暑錄

鶴頂新書

吳淑事類賦

劉禹錫嘉話錄

造化指南

左思三都賦

姚亮西溪叢話

修真指南

葛洪遐觀賦

魯褒錢神論

胡仔漁隱叢話

劉根別傳雜志

綦母錢神論

熊太古冀越集

法華經集

稽康養生論

王濟日詢小記

沮槃經

王之綱通微集

李氏仕學類鈔

圓覺經

儲詠祛疑說

周必大陰德錄

楞嚴經

文字指歸

翰苑叢記

變化論

造化權輿

解頤新語

自然論

潘垣楮記室

趙潛養痾漫筆

劉義慶幽明錄

仇遠稗史

江隣幾雜志

百感錄

魏武帝集

張耒明道雜志

海錄碎事

魏文帝集

唐小說

資治通鑑

曹子建集

韓文公集

晁以道客話

龍江錄

柳子厚文集

劉跂暇日記

靈仙錄

歐陽公文集

康譽之昨夢錄

白懶髓

三蘇文集

邢垣齋筆衡

異說

宛委錄

蘇黃手簡

張世南游宦紀聞

高氏蓼花洲閑錄

山谷刀筆

何遠春渚紀聞

畢氏幕府燕閑錄

李太白集

東坡詩集

吳澄草廬集

杜子美集

黃山谷集

吳萊淵穎集

王維詩集

宋徽宗詩

楊維禎鐵厓集

岑參詩集

王元之集

宋景濂潛溪集

錢起詩集

梅堯臣詩集

方孝孺遜志齋集

白樂天長慶集

王荊公臨川集

吳玉崑山小稿
元楨長慶集

邵堯夫集
陳白沙集

劉禹錫集
周必大集

何仲默集
張籍詩集

楊萬里誠齋集
張東海集

李紳文集
范成大石湖集

楊升菴集
李義山集

陸放翁集
唐荆川集

左貴嬪集

陳止齋集

雋希程集

王梅溪集

張宛丘集

方虛谷集

葛氏韻語陽秋

蔡氏詩話

古今詩話

錦囊詩對

已上四百四十家時珍所引者

采集諸家本草藥品總數

神農本草經三百四十七種

除併入一十八種外
草部一百六十四種

穀部七種

菜部一十三種

果部一十一種

陶弘景名醫別錄三百六種

除併入五十九種外
草部一百三十種

穀部一十九種

菜部一十七種

果部一十七種

種 木部二十三種

服器部三種

水部二種

上部三種

金石部三十二種

蟲部一十七種

介部五種

鱗部十種

禽部一十一種

獸部

一十二種

人部五種

李當之藥錄一種

草部

吳普本草一種

草部

雷斅炮炙論一種

獸部

蘇恭唐本草一百一十一種

草部三十四種
部二種
菜部七種
穀

果部十一種
木部二十二種
蟲部一種
介

土部三種
金石部十四種
蟲部一種

部二種
鱗部一種
禽部二

種
獸部八種
人部一種

甄權藥性本草四種
草部一種
器部一種
穀部一種
金石部一種
服

孫思邈千金食治二種
菜部

孟詵食療本草二十七種
草部二種
菜部三種
穀部二種
菜部一種

鱗部六種
禽部二種

陳藏器本草拾遺三百六十九種
草部六十八種
穀部十一種

菜部十三種
果部二十種
木部三十九種

服器部三十五種
火部一種
木部二十六種

土部二十八種
金石部十七種
蟲部十

李珣海藥本草一十四種

草部四種 穀部一種 木部五種

蟲部一種

介部二種

蕭炳四聲本草二種

草部一種 服器部一種

陳士良食性本草二種

菜部一種 果部一種

韓保昇蜀本草五種

菜部二種 木部一種 獸部一種 介部一種

馬志開寶本草一百一十一種

草部三十七種 穀部二種 菜部

六種 果部一十九種

木部一十五種

服器部

部一種 土部一種

金石部九種

蟲部二種

介部二種

鱗部一十一種

禽

部一種

獸部四種

人部一種

掌禹錫嘉祐本草七十八種

草部一十七種 部三種 菜部十種 穀

果部二種

木部六種

服器部一種

水部四

種 金石部八種

介部八種

禽部一十三種

獸部一種

人部四種

蘇頌圖經本草七十四種

草部五十四種 二種 菜部四種 穀部 果

部五種

木部一種

金石部三種

蟲部

二種

介部一種

禽部一種

獸部一種

大明日華本草二十五種

草部七種 菜部二種 木部一種 果部二種

金石部八種

蟲部一種

鱗部

一種

禽部一種

人部一種

唐慎微證類本草八種

菜部一種 木部一種 上部一種 金石部一種

蟲部二種

獸部

李果用藥法象一種

草部

朱震亨本草補遺三種

草部一種 木部一種

穀部

吳瑞日用本草七種

穀部一種 果部二種

菜部三種 獸部一種

周憲王救荒本草二種

穀部一種 菜部一種

汪頴食物本草一十七種

穀部三種 菜部二種 果部一種 禽部十種

獸部

一種

審原食鑑本草四種

穀部一種 鱗部二種 菜部一種 獸部一

汪機本草會編三種

草部一種 蟲部一種 果部

本草綱目卷之七

四三

陳嘉謨本草蒙筌二種

介部一種
人部一種

李時珍本草綱目三百七十四種

草部八十六種
穀部一十五種

菜部一十七種

果部三十四種

木部二十一

種

服器部三十五種

火部十種

水部十一

種

土部二十一種

金石部二十六種

蟲部

二十六種

介部五種

鱗部二十八種

禽部

五種

獸部二十三

種

人部一十一種

神農本草經名例

上藥一百二十種為君主養命以應天無毒多服

久服不傷人欲輕身益氣不老延年者本上經

下藥一百二十五種為佐使主治病以應地多毒不可久服欲除寒熱邪氣破積聚愈疾者本下經三品合三百六十五種法三百六十五度一度應一日以成一歲倍其數合七百三十名也

陶弘景曰今按

上品藥性亦能遣疾但勢力和厚不為速効歲月日應天一百二十種者當謂寅卯辰巳之月法萬物生榮時也中品藥性療病之辭滿深輕身之說稍薄祛患為速延齡為緩人懷性情故曰應人一百二十種當謂午未申酉之月法萬物成熟時也下品藥性專主攻擊毒烈之氣傾損中和不可常服疾愈即止地體收殺故曰應地一百二十五種

者當謂戊亥子丑之月法萬物枯藏時也兼以閏
之盈數焉若單服或配隸皆隨人慮參而行之不
必偏執也掌禹錫曰陶氏本草例神農以朱書別
錄以墨書本經藥止三百六十五種今此言倍其
數合七百三十名是併別錄副品而言此一節乃
別錄之文傳寫既久錯亂所致遂令後世據據此
類以爲非神農之書率以此故也時珍曰神農本
草藥分三品陶氏別錄倍增藥品始分部類唐宋
諸家大加增補兼或退出雖有朱墨之別三品之
名而實已紊矣或一藥而分數條或二物而同一
處或木居草部或虫入木部水土共居虫魚雜處
淄澠罔辨玉珉不分名已難尋實何由覓今則通
合古今諸家之藥析爲十六部當分者分當併者
併當移者移當增者增不分三品惟逐各部物以
類從目隨綱舉每藥標一總名正大綱也大書氣
味主治正小綱也分註釋名集解發明詳其目也
而辨疑正誤附錄附之備其體也單方又附于其

是非有歸雖舊章似乎剖析而支脉更覺分明非敢僭越實便討尋爾

藥有君臣佐使以相宜攝合和宜一君二臣三佐

五使又可一君三臣九佐使也

弘景曰用藥猶如立人之制若多君

少臣多臣少佐則氣力不周也然檢仙經世俗諸方亦不必皆爾大抵養命之藥多君養性之藥多臣療病之藥多佐猶依本性所主而復斟酌之上品君中復有貴賤臣佐之中亦復如之所以門冬遠志別有君臣甘草國老大黃將軍明其優劣皆不同秩也岐伯曰方制君臣者主病之謂君佐君之謂臣應臣之謂使非上中下三品之謂也所以明善惡之殊貫也張元素曰為君者最多為臣者次之佐者又次之藥之于證所主同者則各等分或云力大者為君李杲曰凡藥之所用皆以氣味

爲王補瀉在味隨時換氣王病爲君假令治風防
風爲君治寒附子爲君治濕防已爲君治上焦熱
黃芩爲君中焦熱黃連爲君兼見何證以佐使藥
分治之此制方之要也本草上品爲君之說各從
其宜

爾

藥有陰陽配合子母兄弟

韓保昇曰凡天地萬物

類並有法象故羽毛之類皆生于陽而屬于陰鱗
介之類皆生于陰而屬于陽所以空青法木故色
青而主肝丹砂法火故色赤而主心雲母法金故
色白而主肺雌黃法土故色黃而主脾磁石洪水
故色黑而主腎餘皆以此例推之子母
兄弟若榆皮爲母厚朴爲子之類是也

根莖花實苗皮骨肉

元素曰凡藥根之在上中者
中生已上氣脈之上行也以

生苗者爲根中半已下氣脈之下行也以入土者

草木有單使一件者如亦羌之根木通之莖款
冬之花葶藶之實敗醬之苗大青之葉六腹之皮
郁李之核藥木之皮沉香之節蘇木之肌胡桐之
淚龍腦之膏是也有兼用者遠志小草蜀漆常山
之類是也有全用者枸杞甘菊之類是也有一物
兩用者當歸頭尾麻黃根節赤白茯苓牛膝春夏
用苗秋冬用根之類是也有也鱗介玉
石水火之屬往往皆然入一律論也

有單行者有相須者有相使者有相畏者有相惡

者有相反者有相殺者凡此七情合和視之當用

相須相使者良勿用相惡相反者若有毒宜制可

用相畏相殺者不爾勿合用也

保昇曰本經三百六十五種中單行

及有毒無毒

岐伯曰病有久新方有大小有毒無毒固宜常制大毒治病十去其六常

毒治病十去其七小毒治病十去其八無毒治病

十去其九穀肉果菜食養盡之無使過之傷其正

也又曰耐毒者以厚藥不勝毒者以薄藥王水云

藥氣有偏勝則臟氣有偏絕故十分去其六七八

九而

止也

陰乾暴乾採造時月生熟

弘景曰凡採藥時月皆是建寅歲首則從漢太

初後所記也其根物多以二月八月採者謂春初

津潤始萌未充枝葉勢力淳濃也全秋枝葉乾枯

津潤歸流于下也大抵春寧宜早秋寧宜晚花實

莖葉各隨其成熟爾歲月亦有早晏不必都依木

文也所謂陰乾者就六甲陰中乾之也又依遁甲

法甲子旬陰中在癸酉以藥著酉地也實不必然

但露暴于陰影處乾之爾若可兩用益當為善孫

探取時節至于出產土地新陳虛實所以治病十
不得五也馬志曰今按法陰乾者多惡如鹿茸陰
乾悉爛火乾且良草木根苗九月以前採者悉宜
自乾十月以後採者陰乾乃好時珍曰生產有南
北節氣有早遲根苗異收採製造異法度故市之
地黃以鍋煮熟大黃用火焙乾松黃和蒲黃樟腦
雜龍腦皆失制作僞者也孔志約云動植形生因
地外性春秋節變感氣殊功離其本土則質同而
効異乖于採取則物是而時非名實既虛寒溫多
謬施于君父逆莫大焉嘉謨曰醫藥貿易多在市
家諺云賣藥者兩眼用藥者一眼服藥者無眼非
虛語也古曠灰云死龍骨首蒼根爲土黃耆麝香
搗荔枝核攪藿香采茄葉雜糞半夏爲玄胡索鹽松
稍爲肉蓯蓉草仁充草豆蔻西朶代南木香熬廣
膠入蕎麩作阿膠煮雞子及魚枕爲號珀柅杞蓋
代欵冬驢脚脛作虎骨松脂混麒麟竭番硝和龍
腦香巧詐百般皆受其侮甚致殺人歸咎用藥乃

大關係非比尋常不可不慎也

土地所出真偽陳新並各有法

弘景曰諸藥所生皆的有境界秦漢

已前嘗言列國今郡縣之名後人所增爾江東以
來小小雜藥多出近道氣力性理不及本邦假令
荆益不通則全用歷陽當歸錢塘三建豈得相似
所以療病不及往人亦當緣此又且醫不識藥惟
聽市人市人又不辨究皆委採送之家傳習造作
真偽好惡並皆莫測所以鍾乳醋煮令白細辛水
漬使直黃者蜜蒸為甜當歸酒酒取潤蜈蚣朱足
令赤螵蛸膠于桑枝以蛇牀當藤蕪以薺菴亂人
參此等既非事實合藥不量剝除只如遠志牡丹
纔不收半地黃門冬三分耗一凡去皮除心之屬
分兩不應不知取足王公貴勝合藥之日群下竊
換好藥終不能覺以此療病固難責効宗奭曰凡
用藥必須擇土地所宜者則真用之有據如上黨

蓋亦有理若不推究厥理則非名醫也
隱居本草言狼毒似實橘皮半夏麻黃吳茱萸皆
須陳久者良其餘須精新也然大黃木賊荆芥芫
花槐花之類亦宜陳久不獨六陳也凡藥味須要
專精至元庚辰六月許伯威年五十四中氣本弱
病傷寒八九日熱甚醫以涼藥下之又食梨冷傷
脾胃四肢逆冷時發昏憤心下悸動吃噫不止面
色青黃目不欲開其脉動中有止時自還乃結脉
也用仲景復脉湯加人參肉桂急扶正氣生地黃
減半恐傷陽氣服二劑病不退再爲診之脉證相
對因念莫非藥欠專精陳腐耶再市新藥與服其
證減半又服而安凡諸草木昆蟲產之有地根葉
花實採之有時失其地則性味少異失其時則氣
味不全又况新陳之不同精粗之不等倘不擇而
用之其不効者醫之過也唐耿漳詩云老醫迷舊
疾朽藥誤新方是矣

○歲物專精見後

藥性有宜丸者宜散者宜水煑者宜酒漬者宜膏

煎者亦有一物兼宜者亦有不可入湯酒者並隨

藥性不得違越

弘景曰又按病有宜服丸服散服湯服酒服膏煎者亦兼察用以為

其制華佗曰病有宜湯宜丸者宜散者宜下者宜

吐者宜汗者湯可以蕩滌臟腑開通經絡調品陰

陽丸可以逐風冷破堅積進飲食散可以去風寒

暑濕之邪散五臟之結伏開腸利胃可下而不下

使人心腹脹滿煩亂可汗而不汗使人毛孔閉塞

闕絕而終可吐而不吐使人結胸上喘水食不入

而死杲曰湯者蕩也去大病用之散者散也去急

病用之丸者緩也舒緩而治之也咬咀者古制也

古無鉄亦以口咬細藥汁飲之則易升易散而行

經絡也凡治至高之病加酒煎去濕以生薑補元

氣以大棗發散風寒以蔥白去膈上痰以蜜細末

糊取其遲化直至中下或酒或醋取其散之意也
犯半夏南星欲去濕者丸以薑汁稀糊取其易化
也水浸宿炊餅又易化滴水丸又易化煉蜜丸者
取其遲化而氣循經絡也蠟丸取其難化而旋旋
取效或毒藥不傷脾胃也元素曰病在頭面及皮
膚者藥須酒炒在臍下臍上者酒洗之在下者生
用寒藥須酒浸曝乾恐傷胃也當歸酒浸助發散
之用也嘉謨曰製藥貴在適中不及則功效難求
太過則氣味反失火製四煨炮炙炒也水製三漬
泡洗也水火共製蒸煮二者焉法造雖多不離于
此酒製升提薑製發散入鹽走腎而軟堅用醋注
肝而任痛童便製除劣性而降下米泔製去燥性
而和中乳製潤枯生血蜜製甘緩益元陳壁土製
竊真氣驟補中集麥麩皮製抑酷性勿傷上騙烏
豆湯甘草湯漬曝並解毒致令平和羊酥油蠟脂
油塗燒咸滲骨容易脆斷去穢者免脹抽心毒除

煩大槩具陳

初學熟玩

欲療病先察其源先候病機五臟未虛六腑未竭

血脉未亂精神未散服藥必活若病已成可得半

愈病勢已過愈將難全

弘景曰自非明醫聽聲察色診脉孰能知未病之病

乎且未病之人亦無肯自療故齊侯息于皮膚之

微以致骨髓之痼非但識悟之為難亦乃信受之

弗易倉公有言信巫不信醫死不治也時珍曰素

問云上古作湯液故為而弗服中古道德稍衰邪

氣時至服之萬全當今之世必齊毒藥攻其中鏡

石針艾治其外又日中古治病至而治之湯液十

日不已治以草蘇荑枝本末為助標本已得神氣

乃服暮世之病不本四時不知日月不審逆從病

形已成以為可收故病未已新病復起淳于意曰

一則難治也宗奭曰病有六失失于不審失于不信失于過時失于不釋醫失于不識病六失有一即為難治又有八要一日虛二日實三日冷四日熱五日邪六日正七日内八日外也素問言凡治病察其形氣色澤觀人勇怯骨肉皮膚能知其情以為診法若患脈病不相應既不得見其形醫止據脈供藥其得乎今豪富之家婦人居帷幔之內復以帛幪于管既無望色之神聽聲之聖又不能盡切脈之巧未免詳問病家厭繁以為術疎往往得藥不服是四診之術不得其一矣可謂難也嗚呼

若用毒藥療病先起如黍粟病去即止不去倍之

不去十之取去為度

弘景曰今藥中單行一兩種有毒只如巴豆甘遂將軍不

可便令盡劑如經所云一物一毒服一丸如細麻
二物一毒服二丸如大麻三物一毒服三丸如胡
豆四物一毒服四丸如小豆五物一毒服五丸如
大豆六物一毒服六丸如梧子從此至十皆以梧
子爲數其中又有輕重且如狼毒鉤吻豈如附子
羌花輩耶此類皆須量宜宗奭曰須有此例更合
論人老少虛實病之新久藥之多
毒少毒斟量之不可執爲定法

療寒以熱藥療熱以寒藥飲食不消以吐下藥鬼
疰蠱毒以毒藥癰腫瘡瘤以瘡藥風濕以風濕藥

各隨其所宜

弘景曰藥性一物兼五十餘病者取
其偏長爲本復觀人之虛實補瀉男

女老少苦樂榮悴鄉壤風俗並各不同緒澄療寡
婦尼僧異乎妻妾此是達其性懷之所致也時珍
曰氣味有厚薄性用有躁靜治體有多少力化有

熱則熱病至不遠寒則寒病至治熱以寒治寒以熱
之治寒以熱涼而行之治溫以清冷而行之治清
以溫熱而行之木鬱達之火鬱發之土鬱奪之金
鬱泄之水鬱折之氣之勝也微者隨之甚者制之
氣之復也和者平之暴者奪之高者抑之下者舉
之有餘折之不足補之堅者削之客者除之勞者
溫之結者散之留者行之燥者濡之急者緩之散
者收之損者益之逸者行之驚者平之吐之汗之
下之補之瀉之久新同法又曰逆者正治從者反
治反治者熱因寒用寒因熱用塞因塞用通因通
用必伏其所主而先其所因其始則同其終則異
可使破積可使潰堅可使氣和可使必已又曰諸
寒之而熱者取之陰熱之而寒者取之陽所謂求
其屬以衰之也此皆
約取素問之粹言

病在胸膈已上者先食後服藥病在心腹已下者

先服藥而後食病在四肢血脉者宜空腹而在旦

病在骨髓者宜飽滿而在夜

弘景曰今方家先食後食蓋此義也又有

須酒服者飲服者冷服者熱服者服湯則有疎有數衰湯則有生有熟各有法用並宜詳審果曰古
人服藥活法病在上者不厭頻而少病在下者不厭頓而多少服則滋榮于上多服則峻補于下凡云分再服三服者要令勢力相及并視人之強弱病之輕重以為進退增減不必泥法

夫大病之主有中風傷寒寒熱溫瘧中惡霍亂犬

腹水腫腸澀下痢大小便不通奔豚上氣欬逆嘔

吐黃疸消渴留飲癖食堅積癥瘕癩邪驚癇鬼疰

疾痺齒痛耳聾目盲金瘡跌折癰腫惡瘡痔瘻癩

陰蝕蟲蛇蠱毒所傷此大畧宗兆其間變動枝葉

各宜依端緒以收之

弘景曰藥之所主止說病之一名假令中風乃有數十種

傷寒證候亦有二十餘條更復就中求其類例夫
體歸其始終以本性爲根宗然後配證以合藥爾
病之變狀不可一槩言之所以醫方千卷猶未盡
其理春秋已前及和緩之書蔑聞而道經畧載扁
鵲數法其用藥猶是本草家意至漢淳于意及華
佗等方今時有存者亦皆條理藥性惟張仲景一
部最爲衆方之祖又悉依本草但其善診脉明氣
候以意消息之爾至于剗腸刮臆刮骨續筋之法
乃別術所得非神農家事自晉代以來有張苗官
秦劉德史脫靳邵趙泉李子豫等一代良醫其貴
勝阮德如張茂先輩逸民皇甫土安及江左葛洪
蔡謨設仲堪諸名人等並研精藥術宋有羊欣元

微胡洽秦承祖齊有尚書稽澄徐文伯嗣伯群從
兄弟療病亦十愈八九凡此諸人各有所撰用方
觀其指趣莫非本草者或時用別藥亦循其性度
非相踰越范汪方百餘卷及葛洪肘後其中有細
碎單行經用者或田舍試驗之法或殊域異識之
術如藕皮散血起自庖人牽牛逐水返出野老麵
店蒜齏乃是下蛇之藥路邊地菘而爲金瘡所秘
此蓋天地間物莫不爲天地間用觸遇則會非其
主對矣顏光祿亦云道經仙方服食斷穀延年却
老乃至飛丹鍊石之奇雲騰羽化之妙莫不以藥
道爲先用藥之理一同本草但制御之途小異世
法所用不多遠至二十餘物或單行數種歲月深
積便致大益卽本草所云久服之効不如俗人微
覺便止今庸醫處療皆耻看本草或倚約舊方或
聞人傳說便攬筆疏之以此表奇其畏惡相反故
自寡昧而藥類遠僻分兩參差不以爲疑偶爾值
差則自信方驗旬月未瘳則言病源深結了不反

有謬便性命及之千乘之君百金之長可不深思
戒慎耶宗奭曰人有貴賤少長病當別論病有新
久虛實理當別藥蓋人心如面各各不同惟其心
不同臟腑亦異欲以一藥通治衆人之病其可得
乎張仲景曰有土地高下不同物性剛柔食居亦
異是故黃帝興四方之問岐伯舉四治之能且如
貴豪之家形樂志苦者也衣食足則形樂而外實
思慮多則志苦而內虛故病生於脈與貧下異當
因人而治後世醫者委此不行所失甚矣又凡人
少長老其氣血有盛壯衰三等故岐伯曰少火之
氣壯壯火之氣衰蓋少火生氣壯火散氣况衰火
乎故治法亦當分三等其少火服餌之藥于壯老
之時皆須別處決不可忽○又云人以氣血爲本
世有童男室女積想在心思慮過當多致勞損男
則神色先散女則月水先閉蓋憂愁思慮則傷心
心傷則血逆竭故神色先散而月水先閉也火既
受病不能營養其子故不嗜食脾既虛則金氣虧

故發嗽嗽既作水氣絕故四肢乾木氣不充故多
怒鬢髮焦筋痿俟五臟傳遍故卒不能死然終死
矣此于諸勞最爲難治或能改易心志用藥扶接
間得九死一生耳○有人病久嗽肺虛生寒熱以
軟冬花焚三兩芽俟煙出以筆管吸其煙滿口則
燕之至倦乃已日作五七次遂瘥○有人病瘥月
餘又以藥吐下之氣遂弱觀其脉病及夏傷暑秋
又傷風因與柴胡湯一劑安後又飲食不節寒熱
復作吐逆不食脇下急痛此名痰瘧以十棗湯一
服下痰水數升服理中散二錢遂愈○有婦人病
吐逆大小便不通煩亂四肢冷漸無脉比一日半
與大承氣湯二劑至夜半大便漸通脉漸生翼日
乃安此關格之病極難治經曰關則吐逆格則不
得小便亦有不得大使者○有人苦風痰嘔痛顛
掉吐逆飲食減醫以爲傷冷物溫之不愈又以丸
下之遂厥復與金液丹後譫言吐逆顛掉不省人
狂若見鬼循衣摸床手足冷脉伏此胃中有結熱
故昏昏不省人以陽氣不能布于外陰氣不持于

婦人病溫已十二日診其詠六七至而澁寸稍大
尺稍小發寒熱頰赤口乾不了了耳聾問之病後
數日經水乃行此屬少陽熱入血室治不對病必
死乃與小柴胡湯二日又加桂枝乾薑湯一日寒
熱止但云我臍下急痛與抵黨丸微利痛止身涼
尚不了了復與小柴胡湯次日云我胸中熱燥口
鼻乾又少與調胃承氣湯不利與大陷胸丸半服
利三行次日虛煩不寧妄有所見狂言知有燥屎
以其極虛不敢攻之與竹葉湯去其煩熱其大便
自通中有燥屎數枚狂頓盡解惟欬喘沫此肺
虛也不治恐乘虛作肺痿以小柴胡去人參薑棗
加乾薑五味子湯一日欬減二日悉瘳○有人年
六十脚腫生瘡忽食猪肉不安醫以藥下之稍愈
時出外中風汗出頭面暴腫起紫黑色多睡耳輪
上有浮泡小瘡黃汗出乃與小續命湯倍加羌活
服之遂愈○有人年五十四素羸多中寒小年嘗
服土硫黃數斤近服兔絲有効脉左上二部右下

二部弦繫有力五七年來病右手足筋急拘攣言
語稍遲遂與仲景小續命湯加薤白仁一兩以治
筋急減黃芩人參芍藥各半以避中寒杏仁只用
一百五枚後玉尚覺大冷因盡去人參芍芍加當
歸一兩半遂安小續命湯今人多用不
能逐證加減遂至危殆故舉以為例

陶隱居名醫別錄合藥分劑法則

古秤惟有銖兩而無分名今則以十黍為一銖六
銖為一分四分成一兩十六兩為一斤雖有子穀

秬黍之制從來均之已久依此用之

蘇恭曰古秤皆復今南秤

是也後漢以來分一斤為二斤一兩為二兩古方
惟張仲景而已涉今秤若用古秤則水為銖少矣
某曰六銖為一分即二錢半也二十四銖為一兩
古云三兩即今之一兩云云

曰參音壘十釐曰分四參曰字二分半也十參曰
銖四分也四字曰錢十分也六銖曰一分去聲二
錢半也四分曰兩二十四銖也八兩曰鎰二鎰曰
斤二十四兩曰鑑一斤半也淮官稱十二兩三十
斤曰鈞四鈞曰石一百二十斤也方中有曰少許
者些子也今古異制古
之一兩今用一錢可也

今方家云等分者非分兩之分謂諸藥斤兩多少
皆同爾多是丸散用之

丸散云刀圭者十分方寸七之一准如梧桐子大
也方寸七者作七正方一寸抄散取不落爲度五
七者卽今五銖錢邊五字者抄之不落爲度一撮

者四刀圭也

七即匙也

藥以升合分者謂藥有虛實輕重不得用斤兩則

以升平之十撮為一勺十勺為一合十合為一升

升方作上徑一寸下徑六分深八分內散藥物按

抑之正爾微動令平爾

時珍曰古之一升即今之二合半也量之所起為圭

四圭為撮十撮為勺十勺為合十合為升十升為斗五斗曰斛二斛曰石

凡湯酒膏藥云吹咀者謂秤畢擣之如大豆又吹

去細末藥有易碎難碎多末少末今皆細切如吹

咀也秦曰吹咀商量斟酌之也宗爽曰吹咀有含

以口咬細令如麻豆莢之今人以刀坐細

凡丸藥云如細麻者即胡麻也不必扁扁略相稱

爾黍粟亦然云如大麻子者准三細麻也如胡豆

者即今青斑豆也以二大麻准之如小豆者今赤

小豆也以三大麻准之如大豆者以二小豆准之

如梧子者以二大豆准之如彈丸及雞子黃者以

四十梧子准之宗奭曰今人用古方多不効者何也

痺心中痞堅逆氣捨心用治中湯人參末乾薑甘草四物共一十二兩水八升煮取三升每服一升

日三服以知為度或作丸須雞子黃大皆奇效今人以一丸如楊梅許服之病既不去乃日藥不神

非藥之罪用
藥者之罪也

凡方云巴豆若干枚者粒有大小當去心皮秤之
以一分准十六枚附子烏頭若干枚者去皮畢以
半兩准一枚枳實若干枚者去穰畢以一分准二
枚桐皮一分准三枚棗大小三枚准一兩乾薑一
累者以一兩爲正

凡方云半夏一升者洗畢秤五兩爲正蜀椒一升
三兩爲正吳茱萸一升五兩爲正兔絲子一升九
兩爲正菴藷子一升四兩爲正蛇牀子一升三兩

重不可秤准者取平升爲正

凡方云用桂一尺者削去皮重半兩爲正甘草一
尺者二兩爲正云某草一束者三兩爲正云一把
者二兩爲正

凡方云蜜一斤者有七合猪膏一斤者有一升二
合也

凡丸散藥亦先切細暴燥乃擣之有各擣者有合
擣者並隨方其潤濕藥如天門冬地黃輩皆先增

分兩切暴獨擣碎更暴若逢陰雨微火烘之既燥

停冷擣之

時珍曰凡諸草木藥及滋補藥並忌鐵器金性尅木之生發之氣肝腎受傷也

惟宜銅刀竹刀修治乃登亦有忌銅器者並宜如法丸散須用青石礮石磨石曰其砂石者不良

凡篩丸散用重密絹各篩畢更合于臼中擣數百

遍色理和同乃佳也巴豆杏仁胡麻諸膏膩藥皆

先熬黃擣合如膏指攪

莫結切

視泯泯乃稍稍入散

中合研擣散以輕疎絹篩度之再合擣勻

凡煮湯欲微火令小沸其水依方大略二十兩藥

用水一斗煮取四升以此為佳然和湯飲生少水

少用新布兩人以尺木絞之澄去澀濁紙覆令密
溫湯勿用鐵器服湯寧小沸熱則易下冷則嘔涌
〔之才曰〕湯中用酒須臨熟乃下之〔時珍曰〕陶氏所
說乃古法也今之小小湯劑每一兩用水二甌爲
准多則加少則減之如劑多水少則藥味不出劑
少水多又煎耗藥力也凡煎藥並忌銅鐵器宜用
銀器瓦罐洗淨封固令小心者看守須識火候不
可太過不及火用木炭蘆葦爲佳其水須新汲味
甘者流水井水沸湯等各依方詳見水部若發汗
藥必用緊火熱服文下藥亦用緊火煎熟下消黃
再煎溫服補中藥宜慢火溫服陰寒急病亦宜緊
火急煎服之又有陰寒煩躁及暑月伏陰在內者
宜水中
沉冷服

凡漬藥酒皆須細切生絹袋盛入酒密封隨寒暑

日數漉出滓可暴燥微擣更漬亦可為散服時珍曰別

有醱酒者或以藥之汁和飯或以藥袋安置酒中

或煮物和飯同醱皆隨方法又有煮酒者以生絹

袋藥入壘密封置大鍋中水煮一日埋土中七日出火毒乃飲凡建中腎瀝諸補

湯滓合兩劑加水煮竭飲之亦敵一劑皆先暴燥

陳藏器曰凡湯中用麝香牛黃犀角羚羊角蒲黃

丹砂芒消阿膠輩須細末如粉臨時納湯中攪和

之服
凡合膏初以苦酒漬令澆浹不用多汁密覆勿洩

云醉時者周時也從今且至明也亦有止一宿者

使匝匝沸乃下之使沸靜良久乃止中有雉白者
以兩頭微焦黃爲候有白茸附子者以小黃色爲
度以新布絞去滓滓亦可酒煮飲之摩膏滓可傅
病上膏中有雄黃朱砂麝香輩皆別搗如麩絞膏
畢乃投中疾攪勿使沉聚在下有水銀胡粉者於

凝膏中研令消散

時珍曰凡熬貼癰疽風濕諸病膏者先以藥浸油中三日乃煎

之煎至藥枯以絹濾淨煎熟下黃丹或胡粉或密
陀僧三上三下煎至滴水成珠不散傾入器中以
水浸三日去火毒用若用松脂者煎至成絲傾入
水中振扯數白遍乃止俱宜謹守火候勿令太過

不及也其有朱砂雄黃龍腦麝香血竭乳香沒藥等料者並待膏成時投之黃丹胡粉密陀僧並須水飛瓦炒過松脂

須鍊數遍乃良

凡丸中用蠟皆烱投少蜜中攪調以和藥果且丸藥用蠟

取其固護藥之氣味勢力以過關隔而作効也若

投以蜜下咽亦日散化如何得到臟中若有毒藥

反又害之非用

蠟之本意也

凡用蜜皆先大煎掠去其沫令色微黃則丸藥經

久不壞雷敷且凡鍊蜜每一斤止得十二兩半是數火少火過並不得用也修合丸藥用蜜

只用蜜用錫只用錫用糖只

用糖勿交雜用必瀉人也

采藥分六氣歲勿

少陰司天爲熱化在泉爲苦化寒毒不生太陰司
天爲濕化在泉爲甘化燥毒不生少陽司天爲火
化在泉爲苦化寒毒不生陽明司天爲燥化在泉
爲辛化濕毒不生太陽司天爲寒化在泉爲鹹化
熱毒不生治病者必明六化分治五味所生五臟
所宜乃可言盈虛病生之緒本乎天者天之氣本
乎地者地之氣謹候氣宜無失病機司歲備物則
無遺主矣歲物者天地之專精也非司歲物則氣

散質同而異等也氣味有厚薄性用有躁靜治保
有有多少力化有淺深上淫于下所勝平之外淫于
內所勝治之正水曰化于天者為天氣化于地者
為地氣五毒皆五行之氣所為故所
勝者不生惟司天在泉之所生者其味正故藥工
專司歲氣所收藥物則所主無遺畧矣五運有餘
則專精之氣藥物肥濃使用當其正氣味也不足
則藥不專精而氣散物不純形質雖同力用則異
矣故天氣淫于下地氣淫于內者皆以所
勝平治之如風勝濕酸勝甘之類是也

七方

岐伯曰氣有多少形有盛衰治有緩急方有大小

又曰病有遠近證有中外治有輕重近者奇之遠

下治下制以急近而偶奇制小其服遠而奇偶制

大其服大則數少小則數多多則九之少則一之

奇之不去則偶之偶之不去則反佐以取之所謂

寒熱溫涼反從其病也

至水且臟位有高下腑氣有遠近病證有表裏藥用

有輕重方為奇復方為偶心肺為近肝腎為遠

脾胃若中腸臏胞膽亦有遠近識見高遠權以合

宜方奇而分兩偶方偶而分兩奇近而偶制多數

服之遠而奇制少數服之則肺服九心服七脾服
五肝服三腎服一為常制也方與其重也寧輕與
其毒也寧善與其大也寧小是以奇方不去偶方
主之偶方不去則反佐以同病之氣而取之夫微
小之熱折之以寒微小之冷消之以熱甚大寒熱

則必能與異氣相格聲不同不相應氣不同不相
合是以反其佐以同其氣復令寒熱參合使其始
同終異也時珍曰逆者正治從者反治反佐即從
治也謂薰在下而上言寒邪拒格則寒藥中入熱
藥為佐下膈之後熱氣既散寒性隨發也寒在下
而上有浮火拒格則熱藥中入寒藥為佐下膈之
後寒氣既消熱性隨發也此寒因熱用熱因寒用
之妙也溫涼做此完素曰流變在乎病王病在乎
方制方在乎人方有七大小緩急奇偶複也制方
之體本于氣味寒熱溫涼四氣生于天酸苦辛鹹
甘淡六味成于地是以有形為味無形為氣氣為
陽味為陰辛甘發散為陽酸苦涌泄為陰鹹味涌
泄為陰淡味滲泄為陽或收或散或緩或急或燥
或潤或軟或堅各隨臟腑之證而施藥之品味乃
分七方之制也故奇偶複者三方也大小緩
急者四制之法也故曰治有緩急方有大小
大方岐伯曰君一臣二佐九制之大也君一臣三

小則數多多則九之少則二之完素曰身表為遠
裏為近大小者制奇偶之法也假如小承氣湯調
胃承氣湯奇之小方也大承氣湯抵當湯奇之大
方也所謂因其攻裏而用之也桂枝麻黃偶之小
方也葛根青龍偶之大方也所謂因其發表而用
之也故曰汗不以奇下不以偶張從正曰大方有
二有君一臣三佐九之大方病有兼證而邪不一
不可以一二味治者宜之有分兩大而頓服之大
方肝腎及下部之病道遠者宜之王大僕以心肺
為近腎肝為遠脾胃為中劉河間以身表為遠身
裏為近以予觀之身半以上其氣三天之分也身
半以下其氣三地之分也中脘人之分也

小方

從正曰小方有二有君一臣二之小方病無
兼證邪氣專一可一二味治者宜之有分兩

少而頻服之小方心肺及在上之病者宜之徐徐
細啣是也完素曰肝腎位遠數多則其氣緩不能

速達于下必大劑而數少取其逆急下走也心服
位近數多則其氣急下走不能升發于上必小劑
而數多取其易散而上行也王氏所謂肺服九心
服七脾服五肝服三腎服一乃五臟生成之數也
緩方岐伯曰補上治上制以緩補下治下制以急
道氣味之者食而過之無越其制度也王冰曰假
如病在腎而心氣不足服藥宜急過之不以氣味
飼心腎藥凌心心復益衰矣餘上下遠近例同完
素曰聖人治上不犯下治下不犯上治中上下俱
無犯故曰誅伐無過命曰大惑好古曰治上必妨
下治表必連裏用黃芩以治肺必妨脾用從蓉以
治腎必妨心服乾薑以治中必僭上服附子以補
火必潤水從正曰緩方有五有甘以緩之之方甘
草糖蜜之屬是也病在胸膈取其留戀也有丸以
緩之之方比之湯散其行遲慢也有昆件衆多之
緩方藥衆則遞相拘制不得各騁其性也有無毒
治病之緩方無毒則性純功緩也有氣味俱薄之

急方

〔完素曰〕味厚者為陰味薄者為陽中之陽故味厚則下泄味薄則通氣氣厚者為陽氣薄者為陰中之陰故氣厚則發熱氣薄則發汗是也

好古曰治主宜緩緩則治其本也治客宜急急則治其標也表裏汗下皆有所當緩所當急從正曰急

方有四有急病急攻之急方中風關格之病是也

有湯散蕩滌之急方下咽易散而行速也有毒藥

之急方毒性能上涌下泄以奪病勢也有氣味俱

厚之急方氣味俱厚直趨于下而力不衰也

奇方〔王冰曰〕單方也從正曰奇方有二有獨用一

物之奇方病在上而近者宜之有藥合陽數

三五七九之奇方宜下不宜汗〔完素曰〕假如小

承氣奇之小方也大承氣抵當湯奇之大方也所

謂因其攻下而為之也桂枝麻黃偶之小方也葛

根青龍偶之大方也所謂因其發散而用之也

根青龍偶之大方也所謂因其發散而用之也

根青龍偶之大方也所謂因其發散而用之也

根青龍偶之大方也所謂因其發散而用之也

偶方

從正且偶方有三有兩味相配之偶方有古

而遠者宜之有藥合陽數二四六八十之偶方宜

汗不宜下王太僕言汗藥不以偶則氣不足以外

發下藥不以奇則藥毒攻而致過意者下本易行

故單行則力孤而微汗或難出故併行則力齊而

大乎而仲景制方桂枝汗藥反以五味為奇大承

氣下藥反以四味為偶何也豈臨事制宜復有增

損

乎

複方

岐伯曰奇之不去則偶方是謂重方好古曰

複者再也重也所謂十補一泄數泄一補也又傷

寒見風脉傷風得寒脉為脉證不相應宜以複方

生之從正且複方有三有二方三方及數方相合

之複方如桂枝二越婢一湯五積散之屬是也有

本方之外別加餘藥如調胃承氣加連翹薄荷黃

芩連子為京漏散之屬是也

今七方有偶又有複豈非偶乃二方相合複乃
方相合
之謂乎

本草綱目第一卷上終